

卷二十四

書名 群書考索後集六十五卷
正德十三年建陽劉氏慎獨齋刊本

撰者 宋 章如愚 撰
卷 二十四

內容分類 子-類書-彙考-宋
子部-類書-17
索書號 C5930500
編號

彩色首頁

[東洋文化研究所漢籍目錄](#) 編號: C5930500

[東洋文化研究所漢籍目錄所藏漢籍善本文影像資料庫](#) 索書號: 子部-類書-17

[漢籍善本文影像資料庫文本](#) [群書考索後集六十五卷](#) 正德十三年建陽劉氏慎獨齋刊本

版權所有: 東京大學 東洋文化研究所

[使用上的注意事項](#)

群書考索卷之一

山堂先生章俊卿編輯
建陽知縣區玉刊行

後集

官制門

官數

唐官六十
官未聞堯舜同道或皆六十并屬官而言則皆有百

虞官六十
堂位曰有虞氏

夏官一百
明堂位曰夏官尚書云夏商官
倍則當二百矣而鄭云百二十

商官二百
明堂位曰商官二百而鄭
云二百四十合依鄭說

周官二千六百七十五人
內二千六百四十三人外諸侯
國官六萬一千。三十二人

秦制爵
賞功勞

漢官七千五百六十七人
內一千。五十五人外
丞相凡十三萬二千八百八十五人
哀帝時官數兼
諸侯州郡胥吏

後漢內外文武官
都計內

詳書考索卷二十三

後集

詳書考索卷二十四

後集

山堂先生章俊卿編輯

建陽知縣區玉校正

縣丞管韶同校

官門

歷代守令

自秦廢封建之法罷侯置守漢興孝文始為銅馬竹使之符而景帝立
 未釐兩輔之制凡以重郡國之任故有守令入為公卿出宰百里其有
 治理效著增秩賜金久任其任故終漢之世風流美績班班可考焉若
 黃霸以教化治潁川龔遂之儉約化渤海朱邑以存問耆老為心文翁
 以建立學校為盛信臣以興科勸農而盜賊衰杜詩以誅暴清平而威
 名赫立以至任延學禮於九真錫光變俗於交趾魏尚廉范之守雲中
 而匈奴逃遁祭彤陳禪之守遼東而胡蠻服皆刺史郡守之得人者
 也至於萬石之令一邑之長皆有著稱脩德則大丘之陳寔教化則雍

五之劉矩卓茂之洽密則人愛而不欺魯恭之治中牟則化及而致異
以至董宣之在洛陽劉昆之在江陵虞詡之在朝歌鐘離意之在段丘
此皆前世得人之盛而後世莫及焉及曹魏之世則社畿之守河東鄭
渾之為沛郡倉慈之抑權右蘇則之撫流俗至於為令則有若楊沛之
宣奉科法焉晉室之興則魯芝之勉以黃霸胡威之傳父清德邵攸開
倉以賑貧曹摠縱囚而復會至於為令則有劉超之推誠於物焉宋氏
之世間有其人王鎮之之不受俸祿江秉之之不營田業杜惠度之為
政纖密則如治其家斯亦顯然而可道者也至於南齊則虞愿以清廉
顯於晉安傅琰以奇績顯於山陰南梁則庾華以潔白稱於會稽丘仲
孚以權變過於劉傳北魏則張應清白著稱實爰政績聲譽齊宋世良
施八條之制盜奔境者豹以一并得耳泉為政所致降及于隋則有若
梁彦光之守鄴郡而以儒學教風俗公孫景茂之治零陵而以秩俸買
牛犢辛公義則又有慈母之稱魏德深則有歸市之感漢唐之代多得
其人韋仁壽之鎮撫南寧賈敦頤之治東洛倪若水降儒於汴州薛大

鼎興利於滄州田仁會之暴身致雨韋景駿以至孝感人擒盜輒捨則
元德秀道不拾遺則張允濟與夫李朝隱之清正剛烈韋抗之不事威
刑至於五代之際猶不乏人如郭延魯之守泌州而父子繼聲待令謙
之治趙郡而號為政此亦一時循蕪之吏也夫曰魏晉以降其間守令
之賢雖隨世而有然終不及兩漢何哉文中子續詩至郡縣之政每傷
焉曰其從也雖有善政未及行也蓋必有久任責成之意而後吏治可
興也

漢元功侯籍

自古帝王之興必有英傑之輔經營共其始成始同其功安榮增其眷
而後久其慶故太常之書司勳之二盟府之藏周家之制其有由來
矣漢高帝龍興泗濱虎嘯豐谷一時之士咸願效其尺寸以垂著於
竹帛始自未文之歲魚鱗雜襲墳然來附五年而東克項羽趣定功而
行封六年而剖封功臣曹參等皆為通侯蓋始有通侯之籍矣班氏作
史本原其功以為八載之後侯者百四十有三人有封不之誓冊書之

信白馬之盟又有十八侯位次之作并述其後以功次定朝位表
以來功臣因其元功之侯籍以昭之夫所謂十八侯者何也蓋掌政之
顏師古之注則以為蕭何也曹參也張敖也周勃也樊噲也鄧商也奚
涓也夏侯嬰也灌嬰也傅寬也靳歙也王陸也陳武之與王吸也薛歐
之與周昌也丁復之與蟲達凡十八侯者此其功之尤著者也既定十
八侯之位合而言之則有四十三人皆著于籍而謂之元功其尤大者
若禹成功而升於帝若且有勳而封於魯以及其次權景同番悉傳為
裔若商大蒸而誇爾祖之與若若牙受任而羨世勞之紀君之報於臣
臣之報於君歷萬世猶一日也自時厥後開廟藏覽舊籍宣帝以隆中
興之祚四七佐命按籍成在光武以傳再造之業按厥所由皆而皇發
之若乃蕭何位第一而居表之十三曹參為次而居表之首周勃位第
四而居表之十四蓋籍以功為序而表以封前後為序也陳平與張良
同為腹心平之位乃在四十七而良之位乃在六十二或者曰此良平
之智當其以功次定朝位之際自貶以晦其迹而非元功之本籍然班

固作泗水亭銘十八侯之次有良平紀通而無奚涓歐薛丁復則知良
平之在侯籍本非下第也若張敖本無大功可以為蕭曹平勃之亞而
其班乃在三得非以其肺腑之恩乎若表之序侯者百四十三人而表
增十人去其外戚王子而猶為百四十有七人得非其或有所附益乎
亦不可不知也其後在孝文時乃有弓高襄城之封而外來者亦侯在
孝景時始開封賞之科而降者亦侯在武帝時興胡越之伐而將帥受
爵凡應本約者亦封後世承平頗有勞臣故班固於高惠高后文功臣
表之後又表景武昭宣元成功臣輯而序之以續元功之次又所以見
其君能繼高帝之志云

漢侯籍本末

高帝五年冬克項羽趣定功行封。六年十一月甲申始剖符封功臣
曹參等為通侯記十二年侯皆百四十有三人

今謹按史記年表高祖功臣凡百四十三人班固表位次百三十有
七人加呂外戚王子六人亦凡百四十三人而表尾定數乃曰百四

十七人加外戚王子凡百五十三人固之誤也或者傳寫之訛四十七人當作三十七五十三當作四十三

封誓之誓曰使黃河如帶太山若礪國臣永存愛及苗裔於是申以冊書之信重以白馬之盟又作十八侯之位次表

高帝與功臣剖符作誓文書鐵契金匱石室藏之宗廟。列侯畢又受封至奏位次皆曰平陽侯曹參功最多且第一然上心欲何為第一鄂千秋曰蕭何當第一參次之乃令何第一

蕭何曹參張敖周勃樊噲鄼商奚涓夏侯嬰灌英傅寬靳歙王陵陳武王吸薛歐周昌丁復轟廷從第一至十八也

右見類師古注

鄼侯蕭何第一

今謹按文穎曰鄼音贊臣鄼曰國在滎陽師古曰或云何封沛郡鄼縣才何及非也按地理志滎陽郡縣云侯國沛郡縣不云侯國也孫氏曰有二縣音多亂為沛者音嗟獨滎陽者音贊茂陵書何封國在

宜乎贊今呼嗟嗟舊字作鄼所由亂也

樊噲第二

留侯張良第三

絳侯周勃第四

侯曹參第五

戶牖侯陳平第六

今謹按世家高帝封平為戶牖侯帝出平城南過曲逆乃曰平為曲逆侯是戶牖為始封而後封曲逆也今十八侯位次從平始封則位次作于圍平城之前也曲逆二字在漢書音義亡別音五臣注陸士衡高祖功臣頌云曲音區句及逆音遇不知何所據漢書高帝紀云又戰曲遇東蘇林曰曲音麟遇音顛師古曰麟立羽天恐地不同非其證也

南宮侯張敖第七

曲陽侯鄼商第八

頡陰侯灌英第九

汝陰侯夏侯嬰第十

陽陵侯傅寬第十一

表謚景漢列侯位次傳謚忠武

信武侯靳歙第十二

安國侯王陵第十三

襄平侯韓信第十四

韓彭侯陳武第十五

曲成侯轟廷第十六

汾陰侯周昌第十七

青陽侯王吸第十八

右見班固泗水亭銘

高后二年詔曰**高皇帝**匡飭天下諸有功者皆受分地為列侯朕思念至於久遠而功名不著亡以尊大詎施後世今欲差次列侯功臣定朝位藏于**高廟**世世勿絕嗣子各襲其功位其與列侯議定奏之丞相臣平等言謹與絳侯臣勃曲陽侯臣商頡陰侯臣嬰安國侯臣陵等議列侯幸得賜餐錢奉邑陛下加惠以功次定朝位臣請藏**高廟**奏可**高后**復詔陳平盡差列侯之功錄第下竟藏諸宗廟副在有司表

呂氏曰自十九臣下皆平所定也平之第在四十七其自處固善而**晉侯**之第尚在六十二何邪蓋平以知自將固不與功臣爭先若**晉侯**滯然事外雖存曲逆之前亦所不顧也

高帝素諒雅意在當時先後必累有定次**高后**世特因其舊而詮品之耳

曹參位第二而表在首蕭何位第一而表在十三表以封前後故也

高祖自云吾得天下緣張良繙其才也叙位乃以曹參此蕭何較其功也至如戶數多少或以才德或以功勞亦一定也故補蕭何位第一戶唯八十張良一萬戶而位過六十他皆類此師古。史記**呂后**七年丞相平言武信侯**呂祿**位侯位次第一請立為趙王

呂氏曰蓋**高帝**定十八侯位次何第一參第二教第三今年盡定諸侯朝位蕭曹皆死必逆遷張敖第一教既死遂以祿補其處耳

孔衍魏漢春秋曰漢高祖封許負為明雌亭侯裴松之以為漢高祖時封皆列侯未有鄉亭之爵疑此封不然

景帝子中山王勝勝子貞元狩六年封涿縣陸城亭侯劉備

漢麒麟功臣

宣帝甘露三年羣子始入朝上思股肱之美乃圖畫其人於麒麟閣法其形貌記其官爵姓名凡十有一人首博陸侯姓而不名次張安世次韓增次趙充國次魏相次丙吉次杜延年次劉德次梁丘賀次蕭望之

次蘇武皆有功德知名當世是以表而揚之明著中興輔佐列於方叔
召虎仲山甫焉自黃霸于定國朱邑張敞尹翁歸夏侯勝等皆以善終
著名然不得列於名臣之圖以此知其選矣

蘇武傳

漢宣帝甘露三年單于始入朝上思股肱之美乃圖畫其人於麒麟閣

法其形貌署其名爵姓名

惟霍光不名曰大司馬大將軍博陸侯姓霍氏

次曰衛將軍富平侯張安世 次曰車騎將軍龍頰侯韓增

次曰後將軍營平侯趙充國 次曰丞相高平侯魏相

次曰丞相博陽侯丙吉 次曰御史大夫趙平侯杜延年

次曰宗正陽城侯劉德 次曰少府梁丘賀

次曰太子太傅蕭望之 次曰典屬國蘇武

皆有功德知名當世是以表而揚之明著中興輔佐列於方叔召

虎仲甫為凡十一人

又論

博陸侯躬秉節誼定萬世策以安宗廟功德甚茂其冠群后尊而不
名

張安世宿衛忠正勤勞王家 韓增寬和有守世載令聞

趙充國料敵制勝奮威先零 魏相嚴毅肅正總領衆職

丙吉寬厚不伐同心輔治 杜延年典司朝政練習憲章

劉德宗室之良持身謹厚 梁丘賀儒術自進列位九卿

蕭望之忠正不撓經術該明 蘇武執節忘身不辱國命

漢建武封功臣

漢光武以睿明英武之資龍飛白水洗滌氛祲復振炎統羣臣翼附爰
立雋功昆陽既捷尋邑亦殪進拔邯鄲北州弭定尤來大捨某穴蕩析
銅馬朱鮪先後乞降雖雄斷廟護冠鞅古昔而出奇畫策推鋒鏖戰抑
謀臣猛將是賴厥既即祚高邑定都洛陽帝儉然不以為已功推勞于
下以建武二年封功臣皆為列侯大國四縣餘各有差博士丁恭議實

古制盛意隆旨曲示優渥乃命謁者舁以印綬乃頒制策滿溢示戒謹爾侯度傳爾子孫長為藩屏以固王室若鄧禹則自鄼侯而更封梁陳俊則自列侯而更封新處蓋延則自建功侯而更封安平若景奔之於好時王霸之於富陵任光之於阿陵李忠之於中水皆更封也若方脩之於槐里劉植之於昌城朱祐之於堵陽杜茂之於若陘亦更封也其定封寇恂馮異則有雍如陽夏之別其定封吳漢祭遵景丹則有廣平潁陽櫟陽之號曰固始曰成安則以封李通臧宮曰昆陽曰伉父則以封陳俊如陰曰拾邑曰武陽則以封宋洪宋浮賈後以冠軍益封而加二縣陰識以陰鄉增封而遂爵邑丁琳以不求黃縣而封定陵新安鄉侯史丹所書燧燿鳥突殆與元功侯籍相為始終厥後東克青齊西定隴右肅屬之區既平既一故建武之十三年班勞策勲更封增邑凡三百六十五人又益盛矣高秩厚禮吏職不任特進朝請加于元勲優游含洪流慶乎後計慮深遠何以尚茲至永平之世既想舊烈而繪象于雲臺逮夫永初幸逢盛懿而以紹封大功臣揆無深端皆建武之制

之矣

東漢表及本傳建武二年丁恭識封功臣

淮陵侯王霸建武二年更封富波侯十三年增戶邑更向侯

阿陵侯任光建武二年更封阿陵邑萬戶

中水侯李忠建武二年更封中水邑三千戶

槐里侯萬脩建武二年更封槐里侯

昌城侯劉植建武二年更封昌城侯

觀津侯劉喜建武二年更封觀津侯

浮陽侯劉歆建武二年更封浮陽侯

劉植傳王即起植與弟喜從兄歆率宗族賓客聚兵數千人據昌城迎世祖建武二年更封植為昌城侯討密縣賊戰歿子向嗣帝使喜代將植營後為驍騎將軍封觀津侯喜卒復以歆為驍騎將軍封浮陽侯

櫟陽侯景丹建武二年更封櫟陽邑萬戶

傳建武二年定封母櫟陽侯帝謂丹曰今聞東故王國雄我縣不
過櫟萬戶邑天富貴不歸故鄉如衣錦夜行故以封鄉爾
雍奴侯寇恂建武二年平頽川封雍奴侯邑萬戶

傳建武二年定封恂雍奴侯邑萬戶
安平侯蓋延建武二年更封安平侯十三年增封食邑萬戶
陽夏侯馮異建武二年定封陽夏侯

廣平忠侯吳漢建武二年定封廣平食四縣
傳建武二年帝遣使者平璽書漢為廣平侯食廣平斥漳曲周平

凡四縣
菑侯朱祐建武二年更封堵陽侯十三年增邑定封菑侯邑七千三
百戶

高密元侯鄧禹建武二年春更改梁侯十三年定封高密食四縣
傳建武二年春遣使者定封禹為興侯

膠東剛侯賈復建武二年八月封三縣

傳建武二年益封穰朝陽二縣十三年定封膠東食三縣

祝阿侯陳俊建武二年更封新甌侯十三年增邑定封祝阿侯

參遽鄉侯杜茂建武二年更封若陞侯十三年增邑更封蓀侯

潁陽成侯蔡遵建武二年春定封潁陽侯

傳建武二年春征虜將軍定封潁陽侯

固始恭侯李通建武二年封

傳建武二年封固始侯

山桑節侯王常建武二年封

即陵愍侯宮建武二年封

成安侯銚期十三年增邑封鄆侯

好時愍侯耿弇建武二年封食邑二縣

傳建武二年更封好時候食好時二縣十三年增邑

慎靖侯劉隆建武二年封亢父侯

傳建武二年封亢父侯十三年增邑更封竟陵侯

昆陽威侯傅俊建武二年封

新息侯朱浮建武二年封舞陽侯

陵陽侯丁綝建武二年封定陵新安鄉侯

傳丁鴻父綝建武元年拜河南太守乃封功臣

帝令各言所樂諸將皆占豐邑唯綝願封本鄉或謂綝曰人也

欲縣子獨求知何也綝曰昔孫叔敖勸其子受封必求瘠壤之

地今綝能薄功微得卿享矣帝從之封定陵新安鄉侯食邑五

千戶後從陵陽侯

宣平侯宋弘建武二年壬子封桐邑侯

傳建武二年代王梁為大司馬封桐邑侯

群書考索卷二十四

後集

群書考索卷二十五

後集

山堂先生章俊卿編輯
木石山人劉弘毅校正

○官門

官兵士風田賦刑法曆法

法久而必弊天下必然之勢也弊久而必變人主更新之治也昔者聖

人作易論賁帝堯舜之治而乃歸之於通其變使民不倦夫當累聖相

承之日而聖通變之說乃或出於其間是豈所以為繼承之訓哉蓋

自古人君之治天下有繼承之規有因仍之弊故守繼承之規者固不

有輕變之心處因仍之弊者則不可無通變之道官之日以冗也兵之

日以衆也士風之日以浮薄也田賦之日以重也刑法或不能以勝人

之情偽也曆法或不能以合乎天象也是皆治道之大綱國體之所重

而人主實維持而運轉之其可坐視其弊而不思所以變而通之者乎